

西北彙刊

中華郵政掛號
認爲新聞紙類
民國十四年十
月九日發行

馬蹄駐會后太廟遊工絕像佛繪壁壯宏規模縣拉薩區遠級在寺靈壽



第一卷第五期要目

影片 壽靈寺
研究 放墾與蒙古教育
農墾與畜牧相互爲
用之關係

調查 後食農墾調查記
計畫 西北農墾計畫私議
湘民移墾之又一預
算

特載 馮督辦上段執政書
馮督辦張雨亭書
政聞錄 蒙古奴才制度之
根本剷除
西北之老老幼幼
政策

大事記 國內大事記
國外大事記

雜俎 詩、雜錄、格言、歌、
(附正誤) 第四期影片畢克
齊下誤添一縣字

齊下誤添一縣字

◎本刊啓事

本刊徵集西北風景名勝古蹟照片迭承京綏路局局長及毛代署長塞北稅關監督豐鎮縣農會溫會長慨贈多枚勝蹟濛濛期共欽賞雅人韻事感謝奚似并望各界有此珍藏或臨時攝照者多多惠寄以便公諸同好禱切盼切

祝詞

察哈爾都統署秘書長彭錫田

祝詞一

懿歟斯刊。西北明星。言樞道籟。樹之風聲。宣究治理。抒洩輿情。牖啓榛狉。輸入文明。雲蒸霞蔚。草偃風行。三寸毛穎。十萬甲兵。晨鐘暮鼓。發人猛省。何以祝之。日升月恆。

祝詞二

河南河洛道尹閻鳳詔

西北文化。開展較遲。啟牖倡道。端賴扶持。貴刊出版。適當其時。用意至遠。持論無私。四海共覩。兆民咸知。啟聾振聵。君子之師。

附來函(前略)頃閱貴刊。宗旨純正。材料豐富。西北地大物博。惟風聲蔽塞。不克發展。得貴刊倡道一切。將來獲益自非淺鮮。捧讀之餘。曷勝欽佩。茲敬獻俚詞數語。以誌景仰云云。(後略)

本刊發行。自維學識淺陋。深恐言之不文。無以副閱者之望。乃遠辱閭道尹馳書獎飾。並致祝詞。益滋慚悚。惟有振奮精神。益自策勵。庶幾芻蕘之言。可資壤流之助。求無負閱者雅意而已。

研究

●放墾與蒙古教育

尊生

美國於千八百六十六年。由合衆國政府頒布土地給與法案於各州。比例各州議員選出人數。分別給與土地或土地證券。以爲建設農業工藝專門大學之基金。至千九百十四年。承受土地者二十八州。數爲八百十六萬畝。承受土地證券者二十州。數爲二百八十九萬畝。皆由州設土地委員會或學校董事部負經理之責。以長期付款之法。逐漸出售。售價之現金。分別投置於國家公債或與公債同等之有利證券。並行規定息金。不得較五厘爲少。據千九百十四年之統計。基金已達千二百六十四萬三千三百元。意大利諾等五十三所之專門大學。賴其補助以建立焉。世稱美國西遷運動。爲其農業上之新紀元。千八百六十二年及千八百六十四年政府兩次訂立鼓勵墾植之法律。固與有力。而千八百六十六年之土地給與法案。尤爲美國農業進化之關津。蓋學校立而後農藝精。機械作於田畝。人力戰勝自然。以較少之人工。增多量之出產。當十九世紀之末葉。美國已執全世界農業國之牛耳。農業教育。甲於天下。歐

戰告終。各國缺乏食料。而美國不絕其輸送。遠至亞米尼亞之境。仰食之民。羣以天下之敖倉視之。何其盛也。故凡疆域寥闊。地多荒蕪。未闢之國家。及經興學。二者同屬要圖。尤須利用放墾。以裕學款。並培植人才。以利墾植。二者交相爲用。國乃富強。吾國蒙疆。地曠人稀。何殊於美洲當日之西北。而膏腴之原野。所在而有。較諸美國得之狩獵紅人之手。滿目洪荒者。其墾闢之易於爲功。尤屬不言而喻。卽就察哈爾綏遠兩特別區而言。僅察之多倫寶昌康保等縣。計其未墾荒地。已報放者數及數萬頃。綏遠之固陽武川五原等縣。數及數十萬頃。益以其他各縣。局暨各盟旗之荒地。其數之鉅。在百萬頃以上。而公家經營。自前清光緒二十七年。清庭以山西巡撫岑春萱奏請籌議開墾。特派貽穀督辦蒙旗墾務以來。或以當局被劾去官。計畫中輟。或以蒙旗王公狃於積習。拒絕放墾。或以當局屢易。無及年之謀。或以匪患頻仍。經費支絀。積欠押荒鉅款。致失蒙人信用。故膏腴肥沃之地。仍任茂草叢生。青天荒隴之間。依然狐鹿蕃殖。世不之察。輒以絕塞荒裔。土瘠天寒。不宜耕植。爲蒙疆農墾進行遲滯之因。又焉知大青之麓。黃河之濱。言其氣候。亦係清明解凍。白露降霜。言其土質。除察哈爾尙有十分二三砂礫不毛之地外。其他土壤。係含沙質。種植最爲適宜。河套一域。爲黃河沖積之層。地力雄厚。

由粘土軟土凝合而成。經河水之涵濡沾潤。則土膏盡發。質皆饒腴。且溝渠交錯。灌溉便利。麥豆黍稻蔬菜瓜果之屬。皆易滋生。此蒙古荒地遼闊。與夫農墾適宜之概。凡也。至蒙古教育狀況如何。則蒙人逐水草而居。古稱行國。其無固定之教育設備。勢所宜然。王府設學。僅授蒙古文字及公文書式。爲奉職王府及執掌旗務之準備。而樞府之對北藩。素取羈縻政策。庠序之教。靳焉弗屆。清初。且有不准妄譯蒙文之禁。故蒙文圖籍。迄今除成吉思汗傳。理藩院則例。蒙古律例。聖諭廣訓。三字經。三國志。列國志。金剛經等寥寥數卷而外。他無所有。其民除少數青年曾受教育者外。多獐狂渾噩。進步較遲。識漢字者三百人中僅得一人。蓋有由也。自前清末季以來。雖漸立學校。而教育進行緩滯。難責成效。蒙旗學校招生。必由總管飭令蘇木按額強派。父兄聞子弟之入學。猶聽談虎而色變。官廳寵以優待之條。供其宿膳書籍之費。總管辦學有考成之條例。生徒畢業有特獎之出身。乃仍逡巡不前。冀圖苟免。卽就察綏兩區而言。據十三年之統計。兩區中級學校。合計不過六所。小學合計不滿七百校。察哈爾人口百九十三萬。就學兒童僅萬五千三百四十七人。不及人口總數百分之一。綏遠人口二百三十九萬七千。就學兒童僅三萬六千四百八十七人。不及人口總數百分之一。其教育經費。合兩區區教育

費及地方教育費。僅三十餘萬元。清季迄今。興辦教育垂二十年。而教育發展之程度如此。詎非異事。夫蒙地阻隔長城。政化自昔弗屆。蒙人夙富保守性。甘於蛙步自封。或歷任長官。辦理教育不力。乏通盤籌劃之謀。缺甄化陶成之實。或旗羣首領習於玩視。罔識教育之利。凡此種種。固皆足爲蒙地教育發展之障礙。而蒙地百里一亭。十里一井。村舍稀落。地利荒棄。就學籌款。則民生貧瘠。省款補助。則庫藏匱乏。是以廣學增校。動以阻輟。宏籌碩劃。艱於着手。此蒙古教育發展遲滯。及教育經費亟宜根本籌劃之概凡也。且蒙疆廣漠。外人多虎視眈眈。蒙民樸質勇敢。優點頗多。其聰俊子弟。不亞漢兒。而勤苦服從過之。種族之同化。教育之平等。尤爲今日重要問題。綜上以觀。蒙疆富壤之未闢。如彼。蒙古教育之待興如此。是則開天賦之利源。作樹人之大計。顧非今日西北之急圖乎。現今當局。銳意開發邊疆。首重墾務與教育之二政。如疏淤掘圯。以興水利。建舍修道。以利農耕。從事於此之師旅。以數萬計。開放官荒。數月之間。河套一帶。魯晉之民。携家負耒。絡繹於道。戶以數千計。而直豫湘皖寧各省。猶賡續分領官荒。籌備移民。是富之之道。已開其端緒矣。至發展教育。則不及期年。察綏兩區。自小學以至大學。增設者數百校。教育經費。增加數十萬。其他如社會平民職業各項教育之進行。尤爲竭力經營。

積極猛進。其進行詳細狀況。容盡其所知。續當爲文專論之。要之教之之道。亦固不遺餘力矣。惟是振興蒙古教育。須通籌全局。確定其進行之步趨。宏其規模。期以歲月。教育基金之籌措。尤爲不可或緩之圖。庶不至零星設學。枝節籌費。爲無系統之進行。缺穩健之基礎。至於籌措教育基金。其法之善者。莫若積極放墾。以利來源。美有前例可師。尤與蒙地實情相合。因條述其辦法之概要於次。至其詳節。又須待專文以論之也。卽

(一) 調查統計察綏兩區未放官蒙荒地總頃數。

(二) 以官蒙荒總頃數若干分之幾。劃爲學田。以縣局及旗羣爲單位。各平均分給若干頃。專作辦理地方義務平民社會實業教育之基金。

(三) 另劃出官蒙荒總頃數若干分之幾。發行一種土地證券。其額面以百頃爲單位。

(四) 上項土地證券。平均分給於各縣局盟旗。得因需用多寡。分別向外抵押現金。(如於各國退還庚子賠款中抵押現金之類) 作上述各項教育之開辦經費。

(五) 分撥學田及發給土地證券等事。概由西北邊防督辦署主持之。

(六) 各縣局盟旗關於接收及管理學田與土地證券。應組織學田管理委員會。

●農墾與畜牧相互爲用之關係

曾雄鎮

嘗聞蒙人重畜牧而不事農墾（近雖有講求種植者。但爲數尙甚少）。漢人重農墾而輕畜牧。此種事實。在分工原則論之。自然分工愈細。精力愈集中。而其業愈精。其利益亦愈大。而在相互間之關係言之。作業愈單簡。作者生活愈呆板。而無樂趣。且其事業不幸而失敗。其危險愈顯著。而莫可挽救。茲略舉種植與畜牧兼營之利益。而其獨營之缺點自見。

甲、畜牧有利於農墾者。

一、肥料 作物（北方曰莊稼）之與肥料。猶牲畜之與草料。牲畜無草料則死。作物無肥料則無收穫。顯而易見。無待詳述。而肥料之中。有礦物質肥料。有化學肥料。及骨肥、綠肥、廐肥等。前二者價值極昂。非我國普通農人所能用。且其肥料成份太高。用者須有化學常識。配合用之。方爲有利。否則。既不經濟。又甚危險。綠肥能改良土壤。亦屬良好肥料。非本篇範圍。姑不具論。骨肥爲磷酸肥料。爲肥料三要素之一。有增加作物莖桿強度。抵抗病害。及增加穀粒改良品質諸效力。至（廐肥者。家畜之糞尿與舍中草薦殘芻之混合物也。）窒素、磷酸、加里、肥料三要素俱有。故有完全肥料之名。且富於有機物。有改良各種土壤之功能。二者在肥料中可

稱上品。一爲家畜死後之遺骨。一爲家畜生前之肥料。要皆由飼養家畜而來。此畜牧有利於農墾者一也。

二、勞力 西人耕地中耕等工作。多利用機器。惜我國農人經濟力弱。不能購用。惟有多養牛馬。利用其力。輕而易舉。固甚便也。且貨物之搬運。吾人之旅行。除火車輪船外。亦惟牛馬是賴。此外如車水拉磨等。皆可利用。此畜牧有利於農墾者二也。

三、肉乳 吾人日常食品。務求澱粉、脂肪、蛋白質三者兼備。成相當之比例。以應身體之需要。而吾人現在主要食品之穀類。最富於澱粉。而缺少脂肪蛋白質。今欲求三者兼備。須於穀食之外。更多食富於脂肪蛋白質之肉類、蛋類、乳類。況西北氣候較寒。尤須多攝取肉、蛋、乳中之脂肪。使皮膚耐寒力增大。彼西人身體強健。世所共知。考其原因。實由彼等肉食較多。吾人肉食較少也。吾人今欲除穀食外。更多食肉類、蛋類、乳類。以滿足身體之需要。謀身體之強健。以能勝任於胼手胝足之農事。不可不於種植外多養家畜以備食用。此畜牧有利於農墾者三也。

四、經濟 混合農場較特用農場爲有利。（單獨經營一種作物或一種家畜者曰特用農

場兼營數種作物或數種家畜者曰混合農場。已經多數學者及實地經營者所證明。美國農部出版記者之言曰。混合農場爲農業成功上之主要原素。蓋混合農場相互利用之機會較多。例如作物與家畜兼營。作物利用家畜之糞、尿、骨、毛作肥料。家畜利用作物之稿、稈、壳、莢作飼料。化無用爲有用。能使農場之收入增高甚多。且混合農場能調濟災害之損失。例如天旱、水災、病害、虫害等。專營種植之場主必至顛蹶不振。惟有兼養家畜者。有家畜收入彌補。可以減輕其害。又種植農場收入多在秋季。其餘縱有收入。不敷日用。不得不重利舉債。迨至秋收。除賠償外所餘無多。不得不更重利借債。輾轉循環。場主愈困。惟有種植之外。多養家畜。隨時可以出售。能使農場金融活潑。不致有窮窘借債之事。方有餘力。改業農業。此畜牧有益於農墾者四也。

乙、農墾有利於畜牧者。

畜牧有利於農墾。固已如上述。然農墾亦有利於畜牧。茲復舉其犖犖大者如次。

一、飼料 家畜之利益甚大。久爲世人所稱道。然使僅恃放牧。毫不預儲飼料。時至隆冬。草爲雪蓋冰壓。家畜飢寒交迫。鮮有不死亡者。去年外蒙多雪。牛馬羊凍死甚多。是其明證。苟飼

料買自他人。雖屬可能。然價值昂貴。不合經濟原則。觀西人畜牧家對於牧草。銳意講求。故其牲畜蕃碩。利息倍蓰。吾人現欲講求畜牧。首宜講求種植。種植牧草及各種作物。俾利用其稿稈壳莖等爲冬季之飼料。以期家畜生長力繁殖力之增大。故畜牧者將欲飼料充足。牲畜繁殖。不可不講求農墾者又一也。

二、糧食 糧食爲吾人一日不可少之物。若由外方購入。所費甚爲浩大。農家收入恆較他業爲低。端賴自耕而食。自織而衣。以期費用節省而家計可裕。查蒙人羊羣牛羣馬羣甚多。收入不爲不巨。而卒未成巨富者。良以不事種植。糧食須向外購取。消費大宗金錢也。故畜牧者。將欲家用自足。不得不兼顧糧食而講求農墾者又一也。

三、蔬菜 傳曰。穀以養民。菜以佐食。足證蔬菜自古爲重要之副食品。而與人生有密切之關係者也。吾人日常之食品。雖米麥豐滿。肉類充足。設無蔬菜以佐之。則阻害消化。減退食慾。各種疾病。必隨之而生。蓋蔬菜富於纖維質與加里成份。有調和腸胃。促進消化。清潔血液之能力。可以養身。可以醫病。爲吾人一日不可少者。若由外購入。不但費用浩大。且購來者經過時日。類多陳腐。苟出自手栽田園。味既鮮美。又合衛生。家用節省。猶其餘事。故畜牧者。將欲改

良衛生。節省家用。不可不兼營農墾者又一也。

四、菓樹 菓品滋味濃厚。食之能令人口快神怡。且菓汁富於酸性。有助消化。免結瀆諸功效。故中外人士均喜食之。吾人若於農牧之餘。利用院中隙地。培植數種與當地相宜之菓樹。行將綠蔭宜人。空氣新鮮。花色花香。增人愉快。夏秋菓子纍纍。風景尤佳。吾人食息其間。不啻常在畫圖之中。其快樂真難以言語形容也。每當晚餐後。家人團聚。佳菓滿陳。飽啖之餘。方知農家風味。實有至樂存焉。苟自用有餘。以之販賣於市。或贈送親朋。於農家經濟。亦不無小補。故畜牧之家。將欲生活完滿。尤不可不栽菓樹。而注意農墾者。又其一也。

四、森林 森林對吾人之利益甚大。非短篇所能盡述。即就畜牧而論。牧場中若廣植樹木。夏有濃蔭。冬少烈風。氣候溫和。水草亦茂。（惟樹木鬱閉太甚。青草以缺雨露而萎死。）家畜食息其中。生長自特別蕃碩。至若房屋畜舍之建築。薪柴之供給。風景之點綴。旱災水災之減少。氣候之調和。空氣之改良。無一不賴乎森林。故畜牧者將欲改良環境。使牲畜蕃碩。不可不廣栽樹木。而注重農墾者。又其一也。

按畜牧與農墾。彼此相互爲用之關係。猶人之有左右手而不可或缺。若或缺之。作用即不完

全。效力必致大減。然或地勢所限。或因人力不足。不能平均發展。可以畜牧爲主。種植爲輔。抑或種植爲主。畜牧爲輔。總之因地制宜。務使全年工作支配適當。土地之效力增大。副產物之利用無遺。以期最少數之勞力與資本。最狹之地面。而獲得最大之收入。至云。家畜踐踏作物。不利種植。此純係放牧者之疏忽。非畜牧與種植根本上有何不利也。他國姑不論。卽如我國東南各省。開闢殆盡。然高山大阜。不能耕種之地。仍可利用放牧家畜。況今西北農墾未盛。荒地甚夥。此項實無庸過慮也。畜牧農墾洵相利而不相害。望吾西北農家。兼營並顧。天下之大利歸諸農。以吾數千年之農國。必有富於經驗。準諸學理。而不河漢吾言者矣。（完）

調 查

●後套農墾調查記（續）

松介

▲第五 私人經營之成績

余行後套。數聞道王同春先生其人者。至套西。寓區董李君增榮家。又見楊君春林。是三家者。皆以私人力量經營墾地之具有成績者。而王先生尤著。不可以不紀。

(一)王洞春 王君直隸邢台人。目不識書。而豪爽有奇略。後套自清初劃爲達拉特及杭錦兩旗游牧地。關內人幾無從而問津者。有郭姓某。始鑿一渠。號老郭渠。君又續鑿義和渠。沙河渠。各長百餘里。澆地二千餘頃。地肥沃。遠近爭來佃。其貧者。假之衣食牛具。俾各得所。地距薩拉齊縣千餘里。官府之力莫及。凡解爭禦侮之事。皆就君。於是富厚雄一方。光緒三十年。貽將軍來督墾。舉渠與地爲國有。慨然無難色。將軍從問後套水利。君歷數如掌上紋。八大幹渠之疏治。蓋君之策劃爲多。將軍去後。渠工漸弛。義和沙河。以君之力。得以不廢。與永濟豐濟均稱通暢。今五原縣境。大抵因君之舊。縣城東南二里許之隆興長市。商民二千餘戶。號爲殷盛。此隆興長者。卽君所營商業之牌號。積久蔚爲巨鎮者也。某年山西旱。飢民萬餘人。轉徙至套。君開倉廩三月餘。民國以來。後套亦多故矣。君家固無恙。教育局長于培祥先生爲余言。君之始來。纔十二三歲。初充郭姓小夥。漸升掌櫃。掌櫃者。蓋銀行公司經理之任。古所謂家臣者也。每大雨後。路泥淖。他人酣睡。君則走馬百數十里。或二百里。視水流所向。審地勢高下。不解測量而明悉水利。濬渠有成。蓋得力於此。于先生嘗與同車。至店必先問飼馬草料有無。夜半馬飼豆最肥。君必起視。曰。旅行所恃。牲口而已。僱人多不經心。不可不躬自爲之也。所飲食與僱人等。

必僱人先嘗。乃入口。以本年八月某日沒。年七十有幾。因視沙河渠口工。感暑患痢以死。嗚呼。如王君者。庶可謂以死勤事者矣。他人或訾其豪強武斷。然亦不必爲君諱。正惟其豪強武斷。乃始克辦此耳。

(二)李增榮 八大幹渠之西。有藍索渠。長數十里。其北梢分東西兩支。東支今歸馬雲亭會辦。所有西支則李君增榮家所有。李君之祖始開藍索渠口。歷年疏鑿。遂克有成。或謂余。各區社徵派至繁。農民不勝重負。率以逃亡。李君爲西區社董。凡有徵派。自任巨半。收佃租。體恤特甚。多所減讓。以故佃力日裕。荒地盡闢。李家之收入。轉以加多。古人有言。時使薄歛。所以勸百姓也。又曰。土地荒蕪。剖克在位。蓋徵之於家而已然矣。噫。

(三)楊春林 楊君山西河曲人。有地千餘頃。鑿楊家河子。亦長數十里。家中渠工百餘人。跑外者三十人。他僱工及佃戶稱是。爲言渠家開渠。今年不成。期以明年。明年不成。更以後年。有淤墊。卽時疏治。必暢乃已。僱人薪賞。最多年不過二百金。少者乃僅二三十金。與官廳辦事。蓋有間矣。彼或月領數十金。百數十金。而曾不事事。間有能者。又不期月去。無惑乎渠工之日荒也。雖然。在官而勤事者。果遂無其人乎。其人又果常可得乎。寧第後套之渠工然哉。而渠工其尤

著者已。

▲第六 結論

余不學農。此行幸得與農家偕。自愧無所得。感各方厚誼。則謹述如右。用誌謝悃。外人常呼吾國爲黃金世界。教士商團政家學人。車馬交錯於道。而西北農林牧鑛之利。國人反有所不知。寧非可恥之尤。爲麪包問題所苦者多矣。此最廣最豐之麪包出產地。亦何惜一舉手投足之勞。賢者遠大是圖。吾不敢言。然小者近者。卽所以爲遠大之基。苟所就得如王同春君及套西教堂比者。此身已可謂不虛生。惡在其必赫赫者爲。中原擾攘。殺機四布。赫赫者果可必耶。曠野萬里。實稱淨土。小厚其生。大延國命。善擇者其安擇耶。貨惡其棄於地。我不自關。不能禁外人之不代謀。終日咀咒。庸有裨乎。吾聞有旅行求知者。又聞。惟力行有功者。吾以驗之。東南大學調查團。吾以驗之。山東移墾團。吾以驗之。將來無數之西北旅行團與墾牧團。

(完)

計畫書

●西北農墾計畫私議

東南大學
農科教授 唐啓宇

唐君江蘇人。留學美國康南爾大學。得農業經濟博士學位。歸國後任國立東南大學農科教授。暑假偕姚教授醒黃率學生二十人赴綏遠調查農墾。旅行數千里。時踰兩月。踏遍綏區各縣局。備嘗艱苦。實地調查。按諸學理。根據事實。爲具體之計劃。誠移墾之導師。經營西北者之磁針也。編者附識。

中國西北地方遼廓。幅員萬里。其可墾及不可墾之地。約計之凡二萬萬畝。在昔多爲蒙人所盤據。故地爲蒙地。漢人私墾者。懸爲例禁。及至光緒末年。地商與蒙旗訂約私墾。始樹西北農墾之基礎。將軍貽穀開濬八大幹渠於河套。始擴西北農墾之範圍。公私投資總額不下一萬萬元。往者交通不便。人尙視爲畏途。今則京包鐵路告成。包甯鐵路接踵舉辦。直魯墾民連翩而至。資本家視投資於西北。爲終南之捷徑。西北各項事業之開發。正如日之方出。呈蓬蓬勃勃之觀。所望西北行政當局對於西北農墾事務。有統籌全局之計畫。謀切實解決之辦法。則西北日後之糾紛。可以消弭。而建設之事項。得以循序辦理。予以爲計畫西北農墾事業者。首當謀各移民之有以自立。次則企圖其安全之發達。而計畫之原則。當注重於

一 農地農有

二 節制資本

三團結五族

試依第一原則論之。重農之國家。莫不注重佃戶與地主之比例。佃戶耕種人之土地者多。則農業衰頹。地主耕種己之土地者多。則農業繁榮。除英外。其他各國皆然也。現在綏遠之放墾方法。富而有勢力者得領地至數十百頃。夫美之家宅律不過允許墾民以一百六十英畝地。或九百六十畝地耳。而吾乃什佰倍之。謂之爲提倡大農制度也。則領地之戶既不直接耕種。施用機械。管理工人。勞心思費氣力。以企土地之利用。生產數量之增加。乃間接招佃承種。以歲收之所得。分其半焉。分其三焉。或分其二焉。得數人歲收租金。無甚大之費用而有甚大之收入。此所謂不勞而穫者也。利莫大於是矣。謂之爲開發土地之富源。則領地之戶。所領之範圍既廣。不能一時耕種。有荒之三年五載十載八載而不墾者。而邊塞及內地編氓小民。求得一片地而不得。有仰屋咨嗟者。是豈情理之平歟。謂之爲注重地方之公益。增加政府之收入。則領地者既居於京津瀋漢歲斂巨額之租金而去。地方之公益。與己無關。政府之歲收。與己無與。亦非社會國家之福也。欲使農地農有。可用下列方法。

甲領地限度 領地畝數宜有規定。墾殖公司及協社所領農地。不得過千頃。私人所領農

地。不得過於二十頃。不得少於一頃。(註一)

乙 開墾年限 墾殖公司及協社所領地。三年內須墾三分之一。五年內須墾三分之二。六年完全報墾。否則應墾而未墾之地。由墾務局收回。另行放墾。(註二)

丙 地權有效期間 墾殖協社爲農民所組織。本互助之精神。求農民之利益。地墾成後。當然爲農人所有。其墾殖公司地權有效期間。定爲二十年。二十年後地屬農人。

丁 墾領地價 墾務局對於公司領大段荒地時。應徵每畝地價。不妨稍高。而對於協社及私人領地。應徵地價。不妨稍低。

戊 清丈繪圖 凡放墾之地。宜清丈繪圖。分爲等則。編爲號碼。注明氣候、土壤、地勢、交通、市場等情形。然後標明價格。如是則雖遠隔千里之人欲領地者。亦可明瞭其地之情形也。

(註三)

己 廢除永租制 永租之地。年年由墾務局或教堂徵收租銀。手續複雜。而使農人有年年「爲他人作嫁」之歎。懷地不屬我之意。設竟對於土肥不加保存。對於作物。但求暫時之豐饒。而不計來日之收穫。是肥沃之地。仍有變爲石田之歎。則永租之弊也。何若使農人

保有其地永遠爲業乎。(註四)

註一墾殖公司及協社領地有定額者。所以示提倡且寓限制之意。私人領地多寡均有限制者。多則經營不力。有所荒棄。少則經營上不能有利益。

註二察哈爾西部有三公司領地至三千頃之多。而實地墾種者只得十分之二三。

註三現在放墾方法係用馬拉繩索以馬跑多遠繩拉多長爲丈量之標準。故五頃之地有僅丈一頃者。漫無定則。莫此爲甚。故放荒宜用測量也。

註四永租之地墾戶無定心。故後套農家建築均極簡單。因地非我有。地上之建築亦將屬之他人。且對於土肥不加保持。因土非我有。土地之貧瘠者棄之可也。再租他地之肥沃者種之。於他人之土地無所愛惜也。

試依第二原則論之。歐西各國社會之所患者。患在財富之不均。吾國之所患者。不獨在財富之不均。且患財富之太寡。使少數之資本家有獨占之權利。則其造不均之機會也愈甚。而爲小民者將愈陷於困阨之境。若本國之資本家更受他國資本家之所操縱所指使。則危險之程度將有不忍言者。綏遠之賠教地租金甚高。農人有鬻子女以爲償者。外商某公司雇人從

事大規模之牧羊事業。苟不設法預防。則西北之毛革事業。將至一敗不可收拾。故資本之限制。爲方今爲政者必不可不取之步驟。其法維何。

一提倡各項組合事業。使有大事業之利益。而無大事業之弊害。

二凡投資於西北食糧工業。毛革工業。罐頭工業。須至少有地方人士四分之一之資本。

三凡投資於西北各項事業者。其所獲純利益過百分之二十時。得按遞加率增收盈餘稅。

試依第三原則論之。西北之地。延袤萬里。非漢族獨有之地。乃漢蒙回藏宅居之所。習慣不同。風俗互異。族界之念未消。猜忌之心互起。漢人喜墾。故以辦墾爲得計。蒙人喜牧。故以報墾爲畏圖。加以蒙人素性愚魯。常受漢人之愚弄。銀洋一元換皮至六七張之多。烏蘭保爾通事行之交易。凡蒙人貿易。七升合一斗。夫五族一家。不容歧視。民族與民族間之集合。應各以文化相提携。而不能以一族憑陵他族。或愚弄他族。怨憤所集。必有一朝發洩之機會。與辦墾務一事。應如何使蒙藏人了解於其真相。與彼無損且有大利。改良畜牧一事。應如何指導蒙藏人等以優良之途徑。是則吾人所當努力者也。

上述三原則係互相聯貫的。其思想係循一直線的。何則農地非農有。則資本家得以盡攫取

農人之盈餘。資本無限制。則資本家猶可從他業上攫取農人之盈餘。五族不團結。則農人不能盡量於農地之墾種。牲畜之牧養。林木之栽培也。 (未完)

●湘民移墾之又一預算

澄盒

勞資合作領地一頃之概算

領地人出資者 耕地人勞力者 分別統計如左

領地人方面

第一年 支出 應出資三百元 分秋收前後兩期支出

秋收前以二百元借給耕地人以作牛隻農具傢具糧食等等之用但此項係以物折合不借現洋

秋收後一百元 係地價四十元 房屋三間六十元

收入 租糧二成估值洋七十元 兩抵第一年共出資二百三十元

第二年 支出 地價四十元

收入 租糧二成估值洋七十元 兩抵得利三十元

第四五年支 每年平均二十元 升科國賦六元 水利及地方公益十四元

第六七年支 每年平均二十元 升科國賦六元 水利及地方公益十四元

以上七年平均共得利洋四百元 每年實得五十七元零實年有二分
以上之息金七年以後 便有四分以上之利息及所有權 故資東滿七年後即將借項貳百元取消並應許耕地
人以永租權惟稅租一切得照地方習慣由雙方另訂契約 耕地人滿七年後不願續耕
者聽

耕地人方面

第一年支 應備洋一百元 以作路費伙食雇工種子一切用費

收 麥糧七十石估價三百五十元

支 納租二成估洋七十元 兩抵得利一百八十元

第二年支 平均年納租七十元 每年工食各項一百七十元

收 每年三百五十元 兩抵每年得利一百一十元

第四五年支 每年平均納租一百零五元 每年工食各項一百七十元

計 畫

收入每年三百五十元 兩抵每年得利七十五元

以上七年平均共得利七百元 平均每年得利一百元

耕地人備一百元之食用到此承墾七年之內養活數口之家並年得淨利百元及牛隻農具傢具全份又得永佃土地之權

且收入一項係照最低額估計糧價既日增長而農家副產物及畜牧業均係口外大利所在又有半年室內工作之閒致富在勤故第四年以後收入似少而實多也
但七年以內耕地人惰耕他往則應償還資東之借項二百元七年以外耕否聽使

特 載

●馮督辦上段執政書

▲軍人應知武力終不可恃

▲當從民治痛下工夫

執政鈞座。民國成立。十有四年。戰亂頻仍。民生日蹙。政治無可言。法律無所施。國本垂危。至是

已極。所幸客歲改革。倉猝成功。鈞座悲天憫人。出任艱鉅。訂謨定命。以宏厥施。玉祥私心竊喜。以爲撥亂世而反之治。此其時矣。乃入秋以來。謠詠紛起。羣情惶惑。莫知所屆。蓋人心既習於變亂。則以不亂爲非常。歷史既成於相斫。則以不斫爲非正。詩謂莫肯念亂。誰無父母。柳子厚謂視天下之勞。若觀蟻之移穴。翫而不戚。此其存心。可勝悼痛。玉祥束髮從戎。酷愛和平。飽更憂患。此志愈奮。每經戰陣。寡人之妻。孤人之子。獨人父母。有形之傷亡。既極。人生之至悲。無形之經濟。尤復日趨於枯窘。玉祥深憂過計。以爲當代軍人。非有真正之覺悟。不能祈禱真正之和平。卽無由措國家於治理。覺悟維何。卽武力終不可恃。當艱苦卓絕。就民治痛下工夫。是已。夙昔訓戒士卒。謂當移打仗之精神。以挖河。移不怕死之義氣。而修路。誠以筆路縷縷。先民有作。奉以周旋。未敢失墜。鈞座以國家耆望。入主中樞。旋乾轉坤。修文偃武。敷政優優。國是漸定。此誠千載一時之會。將奠民國萬年之基。玉祥更當竭其愚誠。以爲擁護。庶幾政成。民康物阜。玉祥仰蒙庇蔭。亦得跼勉從事。開發邊疆。使窮荒不毛。盡爲樂土。其爲慶幸。詎有涯量。謹貢區區。以明意嚮之所在。伏惟鑒察。而訓誨之。臨稟無任屏營待命之至。專肅敬請鈞安。馮玉祥謹稟。

●馮督辦覆張雨亭函

雨帥大哥麾右。馬副官來。出示瑤章。如親榘誨。藉審興居。曼福爲慰。國步多難。謠譏紛起。吾哥饑溺爲懷。志存綏靖。造福全國。詎有涯量。弟承乏西北。致力墾殖。區區私願。欲於數年之間。以全力開發轄境。務使窮荒不毛。盡成樂土。其渴望和平。殆與吾哥同其旨趣。此後左提右攬。共以和平標幟。詔示國人。而以實力盾其後。庶幾多年變亂相尋之局。由我輩而奠之。其爲欣幸。實無以逾之。使還。敬布衷曲。伏希荃察。順頌勛祺。如弟馮玉祥拜覆。

政 聞 錄

●蒙古奴才制度之根本剷除

▲西北當局之人道主義與平民主義

▲數千年之專制餘毒一掃而空之何等痛快

西北所屬蒙古王公仍沿前清陋習。奴才制度。至今未改。馮督辦素富革新精神。聞此惡習。深爲痛恨。特訓令察綏二都統。嚴厲查禁。略稱我國自建國以來。已有五千餘年。初由部落進於

君主。後由專制改爲共和。因人類之進化無窮。故歷代之體制。亦因革損益。逐漸改良。在從前未開化時代。弱肉強食。姑不具論。及至專制之朝。亦以上管下。層層階級。王公大員。特別尊貴。普通平民。則視爲奴隸。及辛亥革命。推翻專制。改建共和。剷除階級。一律平等。漢滿蒙回藏五族一家。不分畛域。國係民主。國民爲主人。官吏爲僕人。萬不能再如從前之視人民爲奴隸也。乃近聞蒙古王公。仍沿前清舊習。不改奴才制度。用人呼爲奴才。遞物均是跪呈。一經發怒。鞭打備至。自視甚尊。待人甚賤。擅作威福。不講人道。殊與共和國家平等主義大相背謬。爲此令行該都統妥籌辦法。一面勸導。一面查禁。務將奴才制度。完全剷除。以張平等之義等語。張都統奉命後。卽詳擬訂辦法。繕呈督辦核准。約分勸導禁止兩方。不獨奴才制度。凡不合民國體制之前清服制。舊歷年號。亦在禁止之列。直將以前各陋習。一舉而廓清之。(甲)關於勸導事項。(一)創辦蒙文報紙。或旬刊月刊。內中所取材料。專以改良蒙古政教風俗爲主旨。(二)凡各機關長官職員。遇有進口蒙古王公官員人等。卽行相機開導。俾了解共和真義。國民責任。(三)組織講演團。前往蒙古地方。實行宣傳政治法度交通文化。藉以灌輸常識。(四)派遣熟習蒙情人員。前往蒙旗。與蒙古王公總管分途接洽。相與籌商進行改革一切事宜。(乙)關於禁止事項。(一)禁

用跪拜禮節。查蒙古王公世爵。自視甚尊。待人甚賤。卽如相見禮節。仍用前清跪拜舊制。極不雅觀。不但人民相見。須跪拜如儀。並不答禮。卽屬官相見。亦須跪稟一切。殊失民國平等之精神。亟應將跪拜禮節實行禁止。免致貽笑鄰邦。(二)禁用前清服制。近查蒙古王公世職。頂戴穿着。仍用前清服制。陋習相沿。暮氣實深。亟應迅予改革。查照蒙藏王公服制條例辦理。以昭劃一。而存體制。(三)禁用舊歷年號。近查各盟旗一切文書。對於政府及地方行政長官公署。每將民國紀年暨舊曆干支年月并爲填列。對於本盟旗部屬。一切文書。甚有僅用舊時年號者。不但牴觸法令。違背政體。卽與優待辦法。顯有不合。亟應將舊歷及舊時年號一律禁用。以維國權。(四)剷除奴才制度。按滿蒙回藏各族待遇條件。第一條內載與漢人平等。緣漢滿蒙回藏人民。爲組織五族共和之原素。國民一律平等待遇。不容歧視。今竟因少數王公之虛榮。自視特別尊嚴。致使全體蒙民淪於奴隸地位。其有包衣世僕。輩輩子孫相承。尤爲王公府邸之固有奴才制度。五百萬蒙民之自由幸福。悉被壓迫於階級專制之下。私權被其剝奪。公權爲所轉移。名雖國民。實如奴隸。現在世界大勢。一日千里。人羣進化。日增月盛。卽異族統治異族。尙知注重民意。力圖解放。今同族治理同族。反爾名位自榮。執迷不悟。揆情奪理。豈得謂平。此奴才

制度。亟應完全剷除。以重人道也。

●西北之老老幼幼政策

▲民生主義

▲社會政策

(一)對於各級官佐家眷與父母之特別體念。西北當局。每逢年節。對於各官佐家屬均特別存問。優禮有加。現值中秋節。所有各級官佐眷屬及父母。特設法贈送禮物。表示優待。凡團長以下每家各送藍柿布一疋。面粉兩袋。師旅長以下有父母相隨者。各贈皮衣一件。刻已製就。按家贈送。

(二)對於殘廢衰老之安置。西北當局。爲崇重人道起見。特於察哈爾綏遠各區設有恤老院。收養殘廢衰老男女。但須有左列資格之一者方能入院。(1)依法令契約無人担負撫養之義務者。(2)撫養義務人無從查悉者。(3)故有資產不足需用者。至院中衣食住三項。均極合衛生。且按個人體質年歲殘廢情況。教以適宜之操作。如糊裱紙類物品。紡織毛類。麻類繩線。飼養家畜及種植植物等。現已開辦數月。成績甚佳。

(三)對於貧苦無告孤兒之教養。又爲維持人類生活。欲貧苦無告之孤兒。各得有職業上之準備起見。特於察綏各區。設立救孤院。凡屬貧窮。或育嬰院。及慈善家送入之男女孤兒。年齡在五歲以上。十二歲以下者。一律收養。院中設立學校工廠。取教養兼施主義。教授男女孤兒。學習淺近應用文字。及各項手工。養成獨立之技能云。

(四)對於嬰孩之育養。又爲保全嬰孩生命。注重人道起見。於察綏各區。設立育嬰院。凡屬貧寒拋棄。或經慈善家送入撫養之男女嬰孩。無論私生與否。年齡在四歲以內者。一律收養。所收嬰孩。年至四歲以外。卽送入救孤院分別教養。

(五)對於平民無力營業之救濟。又爲救濟平民無力經營商業起見。特設因利局。以備借貸。凡請求貸款者。只須報明經營商業。並開具姓名籍貫年歲住址。連同保結送上。再由本局派員查明屬實。卽可付款。貸款額由一元至二十元。限期一月至半年。無力平民。甚爲稱便云。

(六)平民醫院與戒煙所。平民醫院。爲療治一般人民之疾病。並襄理衛生防疫等行政。凡陸軍軍人。警察兵士。(但二者須著制服)及赤貧人民無力出資者。除給予優待號單。免收

掛號金外。并由院內備送藥餌。不取分文。至戒煙所。備救濟里籍人民。成績亦鉅云。

大事記

國內大事記

九月二十六日●丹麥請加入關會○丹麥公使致夫曼。親携加入關稅會議之照會。送交外部。外部已覆函照准。

二十七日●滬日紗廠違約反槍擊工人○上海電。陸家嘴之日華紗廠。因違復工條例。開除該工會會長周錫榮等。及不
如約照付工資。雙方爭執。駐廠軍警。開空槍示威。日人亦開槍。傷女工八人。

二十八日●各國調查司法日期已得我國同意○各國派員調查我國司法制度。定於十二月十八在京召集。我國外部
已照會使團領袖荷使歐登科。請其轉達與華府會議之八國。謂中國政府對於十二月十八日在北京召集調查法
制委員一節。認為可行。屆時自當派專員參與。并隨時介紹一切。

二十九日●滬案已秘密開議○滬案自英美日三國司法調查發出後。領袖荷使歐登科向外交部交涉。秘密會議與司
法調查無關之部分。我國已欣然承諾。開議多日。●各省電報局同時罷工○因要求加薪並改善待遇。於昨日同時
罷工。

三十日●滬英紗廠開工○上海英商紗廠之罷工工人。業已全體復工。可謂完全屈服矣。●滬失業工人赴粵○上海大

罷工中之失業工人。計六百名之多。秘密乘輪赴粵。仍戴李笠三爲領袖。

一日●中暹互派公使將實現○最近暹羅向我國請求互派公使。政府對此。擬仿前對德國智利等辦法。如暹政府同意。即可實行。●滬案我國完全失敗○滬案連日荷使與外交部秘密磋商司法以外之死傷賠償等條。業已意見一致。英代辦白拉瑞已將荷使與外交部商定之條件。電請該國政府。俟得覆電。便可交換公文。正式解決。

二日●英美滬案委員赴滬○全國反對滬案再查之英委員高蘭。美委員約翰生。已由香港啓輪赴滬。●萍鑛局萬餘工人失業○萍鑛工人罷工。鑛局以高壓手段。壓制工人。宣佈改組遣散。因之萬餘工人失業情形最爲悽慘。

●國外大事記

九月二十六日●日本防制俄代表○日本對於蘇俄勞工代表防制甚嚴。在東京車站時。有三四日人欲違禁奔入月台。被警察逮捕。駐日蘇俄大使。要求日政府解除對於勞工代表團之警察監視云。

二十七日●英國工人失業者衆○英國經濟家奇尼斯在俄出席最高經濟會議。報告英國近來物價昂貴。生產減少。輸出品亦難與各國爭衡。因之工人失業者占百分之十云。

二十八日●美州長同情摩洛哥僑民○美法現正開始討論債務問題。美國威斯康森州州長致電美政府。請政府堅持法國立即停止摩洛哥戰事。方能與法財長開始債務交涉。

二十九日●土耳其對英國之強硬○英國對英土間之莫索爾問題不肯讓步後。土耳其政府甚爲憤懣。已將後備各軍全數調齊。擬實行封鎖韃靼海峽。

三十日●日警逮捕大學生○日本警察當局近逮捕西京大學學生多名。因蘇俄勞工代表團經過時。彼等有秘密傳遞消息之嫌疑。●摩洛哥法總督辭職○摩洛哥法總督李歐對於白坦將軍侵奪彼在摩之最高軍權。憤而辭職。

十月一日●英政府討論失業問題○英政府現正討論救濟失業工人及代覓工作辦法。擬將失業者酌量運至各殖民地謀生云。

二日●摩洛哥尙能與法再戰一年○爲自由而戰爭之摩洛哥里夫會軍領袖克里木將軍之兄莫哈未得向紐快報記者宣言。現在法軍人數已達二十萬。而里夫軍隊僅有一萬八千。但里夫軍隊猶有餘勇可賈。尙能與法軍猛戰一年。

雜俎

●詩

落花詩再用王船山韻

舌存

東風吹斷百花垂。點綴青山鬪兩排。三徑好留春色住。殘枝猶帶雨痕揩。從知漆叟生如寄。翻笑劉郎死便埋。多少遊人遊不倦。春光踏破幾芒鞋。

花陰猶自蔭香苔。劫任千磨總不灰。解脫三生無我相。催成妙果有仙胎。爲留春去還吹律。寧避風來懶築台。信是花花皆世界。四時春也四時回。

雜

俎

破除情種覺空空。微笑捻花不語中。一水綠波香海雪。半簾紅雨杏花風。繁華夢醒魂如蝶。妙舞天高戲若鴻。玉佩珊瑚原有約。何時仙子返仙宮。

弱怎禁風勉自支。笑拋紅粉現須眉。樓頭春色輕如畫。水面文章落未遲。人影乍添邀月醉。樹痕待補有雲知。異香不斷花爭發。况是深山果熟時。

中秋待月有感

舌存

誰把秋光掩半天。一奩明鏡未高懸。昂頭醉掃浮雲淨。不待吹開有管絃。塞北風雲隔楚天。舉杯空對一樽懸。多情萬里長沙月。爲照離人訴管絃。

蘿庵雜錄

紀俠

鄭叔瀛

魚燕子以俠聞江淮間。聞江南總督某公爲愛姬徵大珠。濱海民不獲。則繫之獄。因夜入督署。以劍斷其姬髮曰。速語而主人復苛民當血是刃。某公懼。下縣令捕之。令不獲。坐禿職。僦居陋巷。一夕有求宿者。芒鞋布衣。神采炫人。令與語大悅。具告以禿職故。致落魄不能旋鄉里。意甚悲。其人憐之。慨然曰。僕卽魚燕子。可執見總督。復公職。令大驚。謂公豪俠。終不忍以一官故死公。魚燕子曰。僕能自脫。第藉以免公累耳。令因執報總督。而隸役夙震其名。以銅索貫其骨。竟死。噫。魚燕子固俠矣。然以身殉一縣令。厭總督淫威。詎獲死所耶。

紀盜

鄭叔瀛

曹州故盜藪。就獲者待取當。臬司以驛遞遲輒逸去。既置電。胸息決。始不獲逞。屬得劇盜。守令其刑席擬電詳臬司待誅。忽刑幕一人撬窗入。驟以刃斷案。厲聲曰。頃所獲盜。須留其首。不者君首且與此案同。刑席大驚。暈寢所。守久待不得。謂其寢不敢驚。則自電臬司誅之。刑席蘇。聞盜死。頓足謂守曰。胡不告我。吾死矣。既復曰。須與吾盜首。即携置其室案上。夜半復有躍窗入者。前人也。刑席急告曰。曩命留頭。頭已留。請携去。盜默然良久。踰曰。服公之智。本謂公留人。誤請留頭。我之過也。遂去。噫。刑席固智。然盜能以理自屈。盜也而可盡誅耶。

紀暴

鄭叔瀛

清主玄燁性猜忌。暗養壯士。持血滴子殺人。血滴子者。式如銅匱。可容人首。兩利刃對立其中。機發刃合。頭已去。惟縷血濡地。故名。屬臣僚夜宴。有竊議朝政者。忽一人自房檐飛下。以血滴子取其首。如風馳電掣。轉瞬間不知所在。又有陳姓翰林。端午日朝賀歸。與其友鬪葉子戲。忽失其一。次日召見。問昨何作。具以實對。玄燁自袖間出與之。陳大驚。自是無敢有後言者。

荒

鄭叔瀛

清主載淳。冲齡嗣位。其母那拉氏。命張英麟傳之。英麟諸事裁制。不能承意旨。載淳銜之次骨。一日自曲巷歸。得善歌本。強英麟繕寫。英麟固不肯。則大怒。且嘗且投之以書。事爲那拉氏所聞。召加切責。乃憤而廢讀。日爲微行。終以瘞死。又載滸自戊戌以還。於是年長矣。而童騃益甚。嘗遊南齋。諸臣跪迎。載滸左右傾聽。若無見者。忽一物飛過。驚問侍者何名。京師呼促織爲哥哥。侍者曰。此哥哥也。載滸大悅。命携歸宮中。置金籠時覽焉。噫。晉惠問蛙。蒼梧王治遊。咸亡國之主。而清並此兩人。

者繼出於列強環伺時。非爲革命資耶。載活以制於母后。人咸謂其韜晦。嗚呼。是果韜晦耶。

●格言

知止自能除妄想。安貧須要禁奢心。良田千頃。日食一升。大廈千間。夜眠七尺。高濂

天下最可貴者莫如時。最奢侈者莫如浪費時日。利差特

●歌

吃飯歌

達存

馮督辦的軍人。每天吃飯的時候。叫他先行唱歌一次。這個歌兒的名詞。就是叫做吃飯歌。有一天隨同馮督辦在軍人裡面吃飯。馮督辦便叫他們軍人唱歌一次。唱完之後。督辦便向我們說道。我教軍人唱這個歌兒的意思。無非要使軍人能毅做事盡職。時時喚起他們的注意。養成一種善良的習慣。外面的老百姓聽着。說是一種洋教歌。實在是很可笑的。所以現在定要開通人民的智識。這是一件很關重要的事情。當時我就答道。這班老百姓實在太可憐了。最好把這個歌兒完全寫給出來。使他們看見這個歌兒的意思。必定就會明白了。今日我把這個歌兒寫給大家看看。歌曰。

粒粒辛苦。來處不易。民膏民脂。感謝賜主。曆年國恥。隱忍痛苦。復仇雪恥。萬死不辭。

據這個歌兒的意思看來。無論甚麼樣的人們聽了。都會發起一種愛國的感情。都會佩服。馮督辦這種訓練那軍人的精神。處處周到。有了這樣的訓練。將來必定能毅打仗救國的。

敬啓者本社以西北地方面積占全國之半。而地廣人稀。交通阻滯。國人耳目遠隔。殆久視同化外。邇幸西北當局銳意經營。凡關於移墾交通教育實業各政策。國人均異常注意。馳東探詢。絡繹不絕。每苦事冗不暇裁覆。良用歉然。兼自滬案發生。此間對外尤極激昂。經濟絕交。實行數月。到底不懈。頗足爲國人增氣。全國視聽早已爲之一傾。而外埠各報。祇以關山遙阻。致多語焉未詳。同人等忘其謫陋。特應時勢需要。創設本刊。原期共見共聞。與國人以總答覆之機會。業已發行數冊。奉塵左右。謬承各界歡迎。郵函訂購者尤應接不暇。供不應求。且感且愧。當益策奮。力求進步。爲此徵集台端雅意。倘辱過愛。願閱長期。則請將左列訂單填寄本社。自當源源奉寄。藉領教益也。肅此佈臆。順頌日祉。

西北彙刊社啓

茲訂閱

西北彙刊自第

期起至第

期止計洋

元

角

分

連同郵費洋

元

角

分共計大洋

元

角

分

一併

寄上希卽

查收擊發收據按期照寄爲盼此致

姓名住址

台照

中華民國

年

月

日

西北彙刊訂單

本刊價目

每期一冊銅元八枚 每月四期大洋一角 半年二十六期大洋五角五分 全年五十二期大洋一元 郵費本國及日本每期一分 歐美各國每期四分 倘欲訂閱者請將訂單裁下填列姓名住址連同價目郵費款項寄交張家口小營房街本社自當按期寄奉不誤（訂報函件務請掛號空函恕不奉覆）

西北唯一之週刊 西北彙刊 欲謀普及 闢為公共言論機關 故半購半送

本刊每週出版一冊約萬五千餘言內分影片研究評論譯著調查計劃演講政聞錄大事記特載雜俎等材料豐富主張穩健調查翔寔編輯審覈定價低廉（祇收回紙本半價）寄送迅速凡注意西北者不可不手一編也

張家口小營房街一號西北彙刊社